

Awe ta celebra

35 *aña* Escudo di Aruba

Diario 15-11-1990
ORANJESTAD(AAN) -- E
escudo di Territorio Insular di

Aruba ta den uso oficial desde
15 di November 1955 ariba

cual fecha Parlamento di
Aruba a aproba e escudo den
un resolucion insular.

Originalmente, e diseño
basico di e escudo a worde crea
door di e Atelier voor Heraldische
Kunst estableci na Amsterdam,
Hulanda.

Den un concurso pa escudo
organiza pa Gobierno Insular y
anuncia den corant ariba 27 di
Maart 1953, e tayer Hulandes
di arte a somete e diseño cu a
worde selecta entre varios otro
door di Gobierno Insular.

Ariba e diseño aki, sinembar-
go, Gobierno di Aruba a haci
dos cambio cu aprobacion di e
Atelier voor Heraldische
Kunst.

E cambionan aki ta den e
promer y di dos cuart di e es-
cudo. Mientras cu e tayer
Hulandes a pinta solo den e
promer cuart, Gobierno Insular
a cambie pa un mata di Aloe.

Den e di dos cuartel original-
mente e tayer Hulandes a pinta
e cero di Jamanota, Gobierno
di Aruba a cambia esaki pa e
cero di Hooiberg.

Bao di reglanan di e concur-
so, e diseño di e escudo a bira
propiedad di e Territorio In-
sular di Aruba.

Un escudo di un pueblo ta un
simbolo cu ta refleha diferente
aspectonan tipico di e pueblo.
E escudo ta significa:

****Den e promer cuart, e mata
di aloë ta simbolo di promer
fuente di bienestar di territorio
insular;**

****Den e di dos cuart, e cero
di Hooiberg como parti di e en-
tidad, ta simbolisa e isla di
Aruba, cu ta surgi for lamar;**

****E color berde ta duna
como color di alegria, ex-
presion di e alegria pa e
autonommía obteni;**

****E liñanan ondeante ta
figuracion di lamar;**

****Den e di tres cuart,
dunamento di man ta simbolisa
e lasonan amistoso cu otro**